

欽定平定教匪紀略

欽定平定教匪紀畧卷十三

十月二十一日甲寅那彥成奏言臣蒙

皇上畀以總統重任極知豫省賊情上勞

宸厯心急如焚但在接仗遲早總期兵力齊集不

敢遲延亦不敢輕率計陝甘各路兵丁二十以

前已可齊集其餘續調之兵約次月底方到其

吉林索倫兵二千名至今尙無到營的期不勝

懸盼現已令長慶馳赴前途催趨臣仍趕緊籌備如日內有可乘之機亦不俟兵齊卽行進剿

同日章煦奏言臣於十七日據大名府莫景瑞

東明縣朱煒稟稱探得東明縣東西南面有滑縣匪徒竄入欲歸曹定等處因東省屯兵堵禦匪徒不能東竄仍復西奔蹤跡無定十二十三等日裴子巖村民阻其道路被賊將該村燒搶

其餘村落被其搶掠者更復不少紛紛告急經  
該縣朱煒多遣丁役前往堵禦又據署長垣縣  
知縣周克家稟稱十一日該縣東北黃村南岳  
集兩處屯聚賊匪千餘人侵犯舊城先放大礮  
驚嚇村民旋即竄入燒燬民房殺死大小男婦  
七八百人並有前大寨等七村民人因在舊城  
團練鄉勇亦被賊匪盡行殺斃十二十三等日

該縣四境各有賊匪屯聚自千餘人至六七百人不等各村莊連被焚搶殘殺大道不通十八日又據署開州知州周衡稟稱滑縣匪徒猖獗附近州城之焦二寨井店一帶地方疊被焚劫州城週圍二十餘里向多坍塌難資保護現已深挖城濠添雇壯勇并由該州與州判教職等官分赴四門防守十九日又據大名府知府莫

景瑞等稟稱長垣縣所管焦家樓緊接東明縣境於十四日被滑縣等處賊匪千餘人乘風放火竄入村內殺傷男婦數百人被燒房舍十存二三東明縣附近之齊王集等處民人紛紛逃避各等語現當軍務緊要之際理合奏

聞

章煦又奏言查直隸開州長垣東明等州縣境

內村莊均被賊匪焚搶該民人等室廬既燼資  
用一空現俱流離失所且大名府屬本係積款  
之區所有本境及外境被難民人更爲困苦應  
否照災賑之案折給口糧並將外來避難之人  
酌量資遣之處出自

皇上恩施再此次派調從征官兵離營較遠現逢冬  
令禦寒無資可否照例借給行裝俟事竣分季

扣繳之處伏候

訓示辦理

同日馬瑜富蘭奏言竊臣等欽奉

諭旨以現在開州長垣東明一帶賊勢蔓延亟須預

爲防範臣等查溫承惠初次調兵四千名均已

帶赴豫省其時開州東明長垣三處先經正定

鎮總兵拴住帶兵一千名分派防堵嗣溫承惠



因兵力尙單復將續調官兵派駐開州一千五百名大名府城六百名防守後路尙不過於空虛今<sub>臣</sub>等再帶直隸兵二千名於十九日起程繞道趕赴開州更可探明竄匪情形隨處搜剿惟有欽遵

諭旨顧住西北向東南步步進剿不使賊匪蔓延冀副

委任均奏入

上命軍機大臣傳諭那彥成曰那彥成於初八日行抵衛輝業已旬日總稱兵力未齊不行進剿並令長慶迎催吉林黑龍江官兵該二處官兵雖已奏報起程尙未到京卽到京之後朕派人犒賞再令按程行走計到軍營爲期尙遠亦不降旨飭催那彥成無庸懸盼現在那彥成所謂之兵據奏陸續

到營者已有數千又有直隸河南之兵已不爲少  
那彥成惟應就現有兵力奮勉進剿滑縣道口桃  
源三處之賊無論先剿何處那彥成自酌機宜朕  
亦不爲遙制進兵後能否大獲勝仗看伊造化如  
何若伊必欲按兵不動待吉林黑龍江之兵以至  
坐失事機則是伊自不欲生亦祇好聽其自取朕  
非不能執法之主也節次所發諭旨諄懇嚴切已

無以復加此時實無可再訓示矣

上又命軍機大臣傳諭馬瑜富蘭曰直隸開州東明長垣一帶現有賊匪往來焚掠不可不急行剿捕馬瑜富蘭皆係曾歷戎行帶兵奮勇之員前因俱受欽差大臣節制未能迅速進兵此時經朕特旨諭令馳赴直隸邊界專辦開州等處賊匪自爲一路該提督等當奮勉出力相度機宜務將該處賊

匪由北向南盡數殲除勿令稍有竄逸所有此一路進兵情形該提督等自爲酌量無庸聽候欽差大臣調遣若直省賊匪經該提督等剿捕淨盡後路已清無須在被駐劄卽奏明前赴濬滑軍營幫同欽差大臣攻剿豫省賊匪

上又命軍機大臣傳諭同興曰現在山東賊匪經同興屢次督兵痛剿大獲勝仗朕詢之路過東省之

人俱稱一路居民安堵雖暮夜亦照常行走行旅  
寧帖看來東境賊氛已就肅清深爲欣慰惟現在  
直隸開州東明長垣等處賊匪仍往來滋擾該撫  
卽遵照前旨速飭蘇爾慎帶同巴圖魯侍衛並於  
多隆武閭俊烈二人內酌派一員帶兵由清豐開  
州之間遶道而行自北向南幫同馬瑜富蘭協力  
剿辦其所需兵力著同興酌量於東省派撥一千

名令其帶往若東省兵力不敷分撥亦著據實速  
奏其山東邊境仍著同興督同劉清馬建紀沈洪  
等加意防範倘直豫兩省有潰竄之賊隨時截剿  
上又命軍機大臣傳諭章煦曰本日軍機大臣會同  
刑部奏訊據董綱太供稱林清於本年八月十六  
日從河南回家告知劉呈祥稱直隸南宮冀州地  
方有頭目趙步雲手下帶有六七百徒弟係李文

成一路之人林清於九月十六日曾遣支進才前往找尋趙步雲此賊或潛藏原處或歸併大股賊夥或來京伺隙務須查實迅奏又據供饒陽人劉玉濬亦係同教於今年九月間曾同賀八至林清家林清約令於十四日來找賀八又固安縣人張四鬍子卽張添升要收容城一路同教之人曾向林清商量教中之事此外尙有磁州趙得一順德



楊遇山亦俱與林清糾衆謀逆等語除趙得一楊  
遇山卽楊月三二犯前據林清供出業經降旨交  
章煦嚴密查拏外其籍隸冀州之趙步雲及饒陽  
之劉玉澀固安之張四鬍子卽張添升三犯著章  
煦卽速派員嚴密查拏毋令聞風兔脫

上諭內閣曰直隸大名府屬連年積歉茲開州長垣  
東明等州縣又經賊蹂躪被難良民自應亟爲撫

卹俾免流離著該督查明開州長垣東明三州縣  
被賊焚掠村莊本境及外來被難民人悉照災賑  
之案分別大小戶口一體賞給兩月口糧概行折  
銀散給外來避難民人有情願回籍者酌給路費  
資送其被燬房間俟事定後另行查辦又此次調  
派綠營官兵離本營較遠並著循照例案借給行  
裝銀兩事竣分季扣還以示體卹

同日胡克家奏言近據探報東豫官軍連得勝仗逆匪被剿窮蹙恐其四散竄逃安省交界地方亟須增添戍守臣現續調臣標左右二營及

安慶潛山池州寧國蕪采徽州各營挑備之兵共八百名派員管帶配足軍火礮械分派協防至安省額兵統計數不及萬不敷再調查廬州府知府林嵐向在河南精於團練已委令督同

各州縣招募鄉勇訓習備用一面偵探消息設  
有賊匪竄至卽當奮力殲擒以堵爲剿臣專駐  
潁亳之間居中策應壽春鎮總兵喀勒吉善現  
在駐防太和縣界首集地方諸可就近商辦其  
壽州本鎮亦關緊要現准百齡咨會卽委副將  
陳均駐紮州城督率防守備禦嚴密奏入報

聞

是日

上命托津馳驛前赴河南軍營

賞多羅馬二匹其隨帶巴圖魯侍衛司官等均一併  
馳驛

十月二十二日卯那彥成楊遇春奏言臣那彥  
成昨將暫駐衛輝緣由

奏明後連日探明賊匪情形先將已到之固原西

安兵丁二千名交臣楊遇春於十七日星夜帶  
赴附近道口之新鎮駐紮以當賊匪要路臣楊  
遇春行抵新鎮鄉民等呈報附近道口之曹起  
營地方有賊分屯時出擄掠當於十八日派撥  
遊擊呂天俸馬光宇守備俞振海帶領兵丁並  
引路鄉勇等前往該處賊匪約千餘人一見官  
兵卽行分竄我兵奮力追捕殺賊二百餘人奪

獲大刀一把烏鎗十五根三眼鎗六根餘匪竄  
歸道口旋又探得附近道口之周譚村連莊羅  
張寨三處賊匪亦來會夥一處約有二千餘人  
鄉勇等得兵助勢人人奮勇攻撲賊匪亦卽分  
竄帶領鄉勇之孟大有孟大炆分投追捕殺賊  
三百餘人生擒張會元等十四名餘匪亦竄歸  
道口十九日臣那彥成亦已到營探知附近道

口之丁樂集屯聚賊匪三千餘人勢甚兇悍因賊匪畏懼官兵遂令兵丁假扮鄉勇仍帶引路鄉勇數百人於十九日黎明直逼賊巢賊匪搖旗吶喊蜂擁前來臣楊遇春率兵衝擊殺賊六百餘人奪獲大旗二桿上寫吳宮伯劉幅榮離宮伯李存信奉天開道字樣又八卦大白布旗一桿小旗一桿上寫吳宮伯尙大興字樣又小



尖令字旗七桿上寫師存智尙大榮陳長嶺字  
樣又小白旗二十六面上寫奉天開道字樣餘  
匪亦竄歸道口訊據活賊供稱頭目馬魁曹治  
綱持械當先已被鎗傷斃此次引路鄉勇被傷  
數名兵丁亦有帶傷者容俟查明照例賞卹所  
有生擒各匪亦卽分別辦理臣等一面飛催未  
到兵丁速來以爲後應一面卽帶現存兵丁並

札會高杞合兵進剿總期一二仗掃除淨盡上  
慰

聖懷

同日百齡奏言竊臣前將徐屬南北兩岸防守  
事宜分佈後回赴郡城駐紮一面復移咨安徽  
撫臣胡克家將亳州邊界一帶加意防範茲據  
徐州鎮總兵沈洪稟報本月初九日行抵曹縣

督同叅將馬濟勝率領弁兵在冉垵集捕獲匪徒趙其淵等八名又在潘家堂拏獲賊首李名揚偽號李四大王及夥匪趙普位等五名斃賊四名奪獲刀械多件訊係教頭徐安幘震字號匪徒同夥共有三百餘人向西逃竄又於初一日馳赴曹縣劉家樓賊巢賊衆蜂擁迎拒經官兵奮力攻擊斃賊一百五十餘名餘賊百餘人

奔入寨內堅閉樓門拋擲磚石如雨我兵不避  
矢石冒險仰攻放火焚樓將賊首劉丹霄及夥  
衆全行燒斃跳樓被擒者男婦十一名口奪獲  
騾馬十餘匹刀矛一百餘件分賞出力官兵獲  
犯交縣審訊又於十二十三兩日在曹縣西北  
七十餘里之朱家衝衝四十里之楊家集等處  
擒獲賊匪五十八名並在楊家集地穴內搜獲

頭目楊繼幅楊繼會二名在呂家莊追獲趙景和一名馬一匹並搜獲白布旗十餘桿刀矛鳥鎗各十餘件訊據各犯供稱聞知大兵將到均各奔竄滑縣春亭集一帶等情伏查東省賊匪節經官兵剿捕現祇百十為羣零星潛匿惟豫省滑濬等處匪徒較為猖獗而蘭陽封邱及黃河南岸又有潛謀勾結之機江境碭山南岸之

楊家集與豫省虞城接壤最爲緊要前已派兵  
四百名交叅將奇里克特往虞城駐守茲復添  
派都司徐彬帶河標兵一百五十名一併前往  
會合提臣烏爾卿額並卽親自帶兵赴楊家集  
屯紮探蹤策應現在邊防寧謐臣復思沈洪自  
赴東省後連獲勝仗所帶官兵一千名足資搜  
捕其隨同前往策應之叅將馬濟勝應卽另分

一路偵探截剿惟計所帶官兵二百名尙形單薄現卽另行挑撥烏鎗兵二百名派令隨往仍恐南方兵丁技勇於北路未能擅長臣復自行捐募徐城附近壯勇三百名由紳士義民團練保送均可以一當十臣一一申明軍律送交馬濟勝統領令其在豫東邊界察看何處緊要卽馳往何處進攻仍與總兵沈洪互相接應更可

壯聲援而杜窺伺

同日方受疇奏言查睢州工次前此拏獲賊匪  
朱得三蔡景華二名後又續在西壩拏獲趙三  
一名臣嚴加究審除朱得三供認與同教之張  
懶志等均係聽從曹縣教匪許天一指使來工  
乘間滋擾外內蔡景華一犯籍隸曹縣卽係該  
處首逆蔡五倫族姪其趙三一犯籍隸杞縣聽



從武安縣人張三王二陳四李五勸令入夥張  
三係教匪頭目張天相手下人因聞睢汛堵築  
大工先令到工探看有無官兵防守張天相約  
定十一月十五日領人到工滋擾現在張天相  
是否尙在武安抑已投入賊營均不知道等語  
除朱得三在監病斃外當將蔡景華趙三綁赴  
市曹卽行正法一面札飭彰德府督同武安縣

密拏張天相並通行查拏供出在逃之張幅志  
等務獲究辦仍咨明兩江總督百齡安徽巡撫  
胡克家一體查拏勿任免脫再前此睢汎漫溢  
蒙撥銀一百六十萬兩解交豫省藩庫以爲堵  
築工需今大工停辦應否留充軍需賑濟等項  
之用候

旨遵行至現在軍糧緊要豫省採買小米例價不敷

並請照依各處報部糧價作正開銷俾免缺誤  
均奏入

上命軍機大臣傳諭那彥成曰那彥成在衛輝遷延  
旬日因奉嚴旨飭催始由新鎮進兵攻剿一經接  
仗卽斃賊一千餘人並稱賊見官兵卽行分竄可  
見此等烏合之衆毫無伎倆有何可畏而遲延不  
進耶該督等當趁此兵威速將道口屯聚之賊悉

數殲除賊匪犄角之勢已破卽合兵將滑縣之賊併力圍攻該逆匪屯門浚濠爲負嵎死守之計該督於進攻時用礮轟擊更爲得力開封府城存貯礮位甚多著該督卽調取來營以備攻具現在滑城爲首之賊係徐安懶當通飭將弁留心擒捕毋令遁逸逆首李文成因腿受刑傷在滑城附近之李家莊養病該督卽分派將領設法掩擒解京盡

法懲治此次那彥成等督兵剿賊得有勝仗因前  
此辦理遲延是以不加獎勵若能奮勉剿辦迅速  
成功再行降旨施恩

上又命軍機大臣傳諭百齡曰江境邊防經百齡籌  
備嚴密其沈洪一路官兵於本月初九日在曹縣  
地方先經捕獲匪徒多名旋即馳抵劉家樓賊巢  
奮力擊剿斃賊一百五十餘名將賊巢焚燬賊首

劉丹霄及夥衆全行燒斃又追殺五十餘名並搜  
獲頭目楊繼幅等所辦俱好現在東境已就肅清  
惟大兵雲集滑縣卽日進攻恐有潰散之賊應令  
沈洪仍在曹縣一帶會同東境官兵認真防堵毋  
稍疎虞其所獲賊犯並著百齡詳加研訊林清業  
經伏誅其直隸及京城內外伊等夥黨潛伏未動  
者尙有若干人其中著名爲首之犯尙有何人如

訊有要供迅速由驛具奏將供吐之賊暫留備質  
若訊明無可留質均卽正法

上又命軍機大臣傳諭方受疇曰賊匪朱得三蔡景  
華趙三等膽敢聽從許天一等指使潛來工次窺  
探情形希圖滋擾實屬奸狡可惡朱得三業經監  
斃著卽戮屍蔡景華趙三二犯業於審明後正法  
其許天一等犯現經該撫飭屬查拏並咨交百齡

胡克家一體協緝拏獲後該撫卽親提嚴訊京城  
內外地方除林清外尙有伊等夥黨若干其著名  
爲首者尙有何人如訊有確供迅速由驛具奏將  
供吐之犯暫行留質其前撥豫省堵築漫口工需  
銀一百六十萬兩已交部行文飭催速解豫省以  
爲軍需賑濟之用現在軍食所需亟應籌備其採  
買小米准其照依月報糧價作正開銷再朕聞滑



縣賊匪將城門土屯三面並於城外用車輛圍  
挑挖深濠固守官兵卽日進攻必須用礮轟擊現  
在開封府城內存貯礮位甚多著方受疇揀擇利  
用者數位運至軍營交欽差大臣備用務須派員  
小心護送毋致疎失

上又命軍機大臣傳諭同興曰此次東省賊匪經同  
興督兵剿辦已將東境匪徒悉數殲除地方寧謐

道路肅清辦理俱妥惟聞東省因年歲歉收兼遭  
賊匪焚掠災民逃避四出現聞本境安靜有由河  
南江南逃回者有欲由直隸出口因京城現有匪  
徒滋事之案恐中途盤詰仍復轉回者沿途扶老  
攜幼人數甚多該民人等疊遇荒災蕩析離居情  
殊可憫著同興飭知地方官認真撫卹加意綏輯  
務使餬口有資不致轉徙失所事定後各歸本業

金史卷之五十三 三  
用副朕軫恤難民至意再本日據那彥成奏到滑  
縣附近賊匪經大兵進剿殲擒一千餘人即日進  
攻道口滑城恐該匪等被剿情急或向東逃竄同  
典當督率劉清馬建紀等嚴加堵禦如有竄逃卽  
令將弁等迎頭截擊速淨賊氛勿留餘孽

上又命軍機大臣傳諭胡克家曰河南滑濬屯聚賊  
匪經那彥成等督兵進剿已獲勝仗現在乘勝進

兵將道口賊匪剿滅後剋期攻復滑城賊匪被剿  
情急恐有零匪四散奔竄安省潁亳一帶與河南  
在在毗連胡克家卽督飭文武員弁各於要隘處  
所嚴密防守一有賊匪竄入迎頭剿捕毋令闖入  
境內

十月二十三日

丙辰

上諭內閣曰此次直隸河南山東交界地方逆賊滋

事擾害良民經朕特派欽差大臣督率巴圖魯侍衛會同三省督撫並各路提鎮等調集滿漢勁兵剋期進剿嗣又由京挑派健銳火器二營官兵一千名分起進發皆係簡練之師一可當百近日又復飭調吉林黑龍江馬隊官兵二千名尤爲驍勇軼倫卽日星馳雲集諒此么膺小醜不難一鼓蕩平惟是簡將調兵原期除莠安良俾閭閻早臻寧

謐謀反逆賊一名勿令倖免良民斷不使波累受  
害恐愚民不知原委聞大兵過境相率驚疑或奸  
徒播造謠言煽惑衆聽以爲兵過之處不分良莠  
多肆誅夷致羣相駭怖紛紛避徙或至老弱顛連  
轉於溝壑賊匪又從而裹脅且逞其詭謀於抗拒  
官兵之時將被脅之人驅令在前先懼鋒鏑使吾  
民旣死於賊又死於兵朕輾轉思之深爲不忍前

已降旨嚴諭領兵大員等申明紀律凡大兵所至  
於間閭秋毫無犯沿途官給飯食自騎營馬一絲  
一粟不以累民如官兵侵擾良民小則插箭遊營  
大則軍法從事其領兵官員如縱兵殃民查出從  
重治罪並申諭將帥臨陣專戮賊匪毋許濫殺一  
人其有被脅在先棄械投誠者概免誅戮以廣仁  
恩著直隸總督山東河南巡撫卽將此旨迅速騰

黃廣行曉諭俾小民等咸知王師所至原以爲民  
除害保赤衛良遠邇同心共望早靖邪氛各安生  
業永享太平再逆首林清在京拏獲業已寸磔傳  
首三省示衆尙有李文成徐安欄牛亮臣馮克善  
王進道五犯皆係賊營渠惡罪孽滔天又有祝顯  
卽祝現劉呈祥董伯旺劉第五四犯皆林清同謀  
逆黨情罪尤重必須按名捕獲明正典刑特明頒



賞格如各處文武官弁有能擒獲者立加超擢兵  
民人等擒獲者賞給官職併給予重賞其各處菴  
觀寺院僧道等有能擒獲者亦必優加賞賚其賞  
格卽照平定三省邪匪時拏獲王三槐徐添德之  
例此內李文成一犯現在滑縣城外李家莊聚衆  
伏匿如賊黨內有能將該逆縛獻者不但赦其已  
往之罪亦必一律加賞倘有人獲賊獻官而官弁

冒功奪犯將獲犯之人姓名隱匿准本人據實首  
告立將冒功奪犯之人治罪本人仍照格升賞或  
將獲犯之人戕害滅口一經查出立寘重典將獲  
犯之人家屬厚加賞恤其或窩藏重犯匿不報官  
則其人卽係叛逆罪在不赦全家悉行誅戮以儆  
兇頑著各該督撫將此旨廣張示諭無論通衢僻  
壤咸使聞知俾人人憤切同仇速殲巨憝以彰國

憲

是日兵部遵

旨議處失察兵丁曹幅昌習邪黨逆之正黃旗漢軍  
都統宗室祿康副都統富蘭並查明該旗叅領  
高澗副叅領李博文佐領劉塏驍騎校兼印務  
章京岑鐸各在任年月具

奏得

旨祿康曾任大學士兼步軍統領獲咎後棄瑕錄用  
復授爲都統自應認真整飭旗務以贖前愆乃本  
旗所屬兵丁曹幅昌從習邪教並與知逆謀該犯  
居住都城並非屯居漢軍可比祿康在任毫無覺  
察兵部議以革職實屬咎所應得著革去都統加  
恩賞給四品頂戴以宗人府副理事官用富蘭現  
在軍營帶兵俟軍營事竣核其功過再降諭旨其

參領高澗副參領李博文佐領劉塏驍騎校岑鐸  
俱著交部嚴加議處

同日同興奏言查東省自連次痛剿之後實無  
成夥賊匪惟探得附近東省之開州正西西南  
一帶村莊均有賊匪屯聚其正西各莊接連滑  
縣賊勢尤密欽奉

諭旨著於提督多隆武總兵閻俊烈二員內酌派一

員挑帶勁兵一二千名前赴開州會剿等因臣查  
節次所調各營滿漢兵丁共有五千六百餘名  
除分撥各州縣防守者二千餘名外供戰之兵  
祇三千五百名自剿平賊匪後又分派各要隘  
堵剿者二千餘名現在存營實祇一千三百名  
當經分兵一千名交蘇爾慎閔俊烈帶領由濮  
州直赴開州會剿卽於十九二十兩日分起前

進其東明交界之單家集派總兵陳廣寧在彼  
駐劄附近安陵集扈家集等處有叅將段琨遊  
擊胡報國劄營防堵聲勢聯絡現在多隆武又  
前赴單家集協同防守臣仍駐劄曹郡居中策  
應至曹州西南一路本係總兵沈洪在彼劄營  
茲據咨稱該處逃散村民俱已回歸耕作各路  
探報並無賊匪現奉百齡札調該鎮移駐考城

蘭陽沿河一帶杜賊南竄臣仍酌派副將福寧

阿叅將常鳴盛帶兵三百六十名前往駐紮該

處原有都司周添章帶兵二百名防守足資彈

壓現在曹州東境間有零星餘匪偶回藏匿者

均被本村生監鄉勇以及居民人等隨時細送

除逐日審明正法外每日細押者常有二百數

十人臣已多派委員趕緊嚴訊其實有可原者



量從末減不致濫殺滋弊再查總兵陳廣寧自  
馳抵曹州以來捕獲奸細多人賊衆不敢窺伺  
現由定陶赴東明交界防堵尙無遷延畏賊之  
處奏入

上命軍機大臣傳諭同興曰東省官兵連獲勝仗之  
後此時已無成夥賊黨卽間有零匪無難隨時捕  
獲殲除淨盡但現在豫省正當剿辦滑縣屯聚賊

衆而直省官兵又自開州向南擊剿兩處賊勢被  
剿旁竄東省邊界兵防尤爲緊要著同興督率官  
弁加意堵禦倘有直豫兩省潰竄之賊隨時截剿  
勿使逸匪一名闖入其東省現獲各犯著同興卽  
向該犯等詳加究詰該處逆匪夥黨與林清素通  
聲息現在林清已誅京城內外是否尙有著名賊  
目潛伏未動如訊有姓名卽究明年貌住址由六

百里奏聞再朕聞東省匪犯亦尙有伏而未動者該撫於獲犯內並應詳加嚴究如該省果有潛匿之賊亦應密派安員前往設法掩捕毋令漏網

十月二十四日丁那彥成楊遇春奏言竊臣前將鼓勵鄉勇殺賊情形具

奏後二十一日正在探明路徑擬與高杞通信三路進攻旋於是日巳刻探報屯聚道口之賊傾

巢而出約有三四千人分東西兩路而來在中  
市所一帶村莊沿途焚掠因思此等賊匪一經  
官兵接仗勢必敗退逃奔先須截其歸路且道  
口距滑縣城僅止八里並恐城內之賊潛出接  
應尤須防範臣楊遇春帶領馬步官兵抄往賊  
後截住退回之路設有後股接應之賊兼可堵  
剿並派格布舍富僧德特依順保馬元等各領

弁兵分路迎頭截剿慶祥帶領京營勁旅在南

策應臣那彥成帶領副將張大振在正西策應

賊匪一見官兵蜂擁抗拒格布舍馬元等率領

官兵先用馬隊衝突鎗箭齊發前隊賊匪應手

而倒後隊之賊仍復向前抵拒官兵步隊繼進

鎗矛並舉富僧德特依順保等復率馬隊橫衝

其間賊匪不能抵禦紛紛敗竄臣楊遇春又復

迎頭截住痛加截殺自己至酉閱五時之久將  
弁兵丁勇氣百倍殺賊一千四百二十名生擒  
一百四十餘名逃出良民約有一千餘名人人

感激

天恩各歸安業其實係賊匪訊明後卽全行正法奪  
獲大白旗十餘桿大礮二尊鳥機礮三尊三眼  
鎗一桿刀矛器械不計其數時已昏暮未便窮

追察探敗殘賊匪仍歸道口滑城兩處賊匪狡  
猾多端此次雖分東西兩路而出各處俱有埋

伏若非三面分頭迎截幾中其埋伏狡計

臣現

在商同佈置擬仍分數路進攻剋期歲事除將  
出力員弁兵丁分別獎賞記功外其官兵內陣  
亡把總楊秀廷一名外委兵丁二名容查明咨

部請卹再

臣前經

奏明將南陽兵丁撤歸原伍後卽將湖北預備兵  
三千名調來補數茲查內有鄖陽兵八百名臣  
伏思鄖陽地關緊要仍飛咨馬慧裕令其就近  
飭回本營以資彈壓又臣那彥成昨於新鎮接  
奉

上諭並密封

殊諭申飭

臣

跪讀之下昏暈戰懼自悔自艾無地自



容惟有努力向前萬不敢少有遲疑並求

皇上施恩准將

硃筆暫緩恭繳臣焚香供奉朝夕捧讀益加勵警

同日章煦奏言臣於二十一日據署長垣縣知

縣周克家稟報十五六日該縣四境崔寨野寨

並南岳集等村莊被賊放火焚劫殺死男婦多

人又據大名府知府莫景瑞等稟稱十五日長

垣縣南岳集九級集大寨三處賊匪併歸春亭  
集晝夜四出搶掠東明縣夾河灘翟家莊因毗  
連長垣縣十六日被春亭集匪徒焚搶十七日  
長垣縣所轄于家堂又有賊匪千餘人帶有車  
馬由東南奔向西北在南岳集住宿恐再與春  
亭集賊匪勾連滋擾其夥更多殊爲可慮二十  
三日又據東明縣知縣朱煒稟稱十七日東南

所來賊匪均在南岳集黃家村盤踞與該處舊  
有匪徒分立兩寨十八日赴附近之王家寨圍  
困並探知長垣縣春亭集等處各股賊匪均歸  
南岳集聚爲一夥各等情再臣接奉

諭旨查拏各犯除張四鬍子卽張添升一犯現據固  
安縣知縣何貞稟報拏獲解京外查趙步雲劉  
玉隴二犯現在派員往冀州一帶查拏尙未弋

獲其磁州趙得一一犯據報病故經該地方查  
驗埋葬處所並將伊子趙維經等查訊無異又  
楊月三卽楊遇山一犯現在訊無其人臣尙恐  
所報未確仍派員認真躡訪勿任兔脫

同日胡克家奏言竊臣欽奉

諭旨衛輝河南岸係歸德開封二府如有蠢動温  
承惠等卽飛速知會百齡胡克家就近派兵剿捕

等因臣查安徽省宿州與河南永城縣接壤亳州

與永城商邱鹿邑三縣毗連俱係歸德府所屬

太和縣亦與永城及陳州府屬之項城沈邱二

縣交界密邇宿州臣當卽添兵派委都司魏光

德協同該營都司王金堂加意防禦其亳州北

境貼近豫界盧家集地方派委叅將明保帶兵

四百名在彼駐紮喀勒吉善帶兵五百名在太

和之界首集駐紮臣現在帶兵二百名在適中

之亳州雙溝集駐紮調遣策應尙有續調徽寧

等營兵六百名卽日可到再當分派協防一面

偵探確信如有警報臣立即配足兵一千名交

喀勒吉善督率堵剿臣亦帶兵繼進彼時百齡

由徐州一路進兵正可知會夾攻其亳州太和

本境並催令知府林嵐趕緊練習鄉勇壯丁協

同防守應需軍火糧餉均已籌備齊全不致臨  
時支絀均奏入

上命軍機大臣傳諭那彥成曰此次道口之賊出巢  
迎拒者有三四千人經該督等奮力剿殺共斃賊  
一千四百餘名生擒一百四十餘名並逃出良民  
一千餘人核計道口屯聚之賊除殲擒及投出襄  
脅者其餘敗殘賊匪爲數諒亦無多該督自當趁

此兵威進攻道口將賊匪殲滅淨盡即可併力圍  
攻滑城該匪等外無救援正如釜魚阱獸不難一  
鼓剗平前因該督辦理遲延是以降旨嚴飭該督  
此時若能將滑城屯聚之賊迅速翦除並能將逆  
首李文成徐安綢按名擒獲自應寬其既往之咎  
仍予施恩該督當勉之又勉至該督所獲賊犯務  
須嚴切根究該匪等同謀逆黨除林清外其潛匿



京城及附近者尙有若干著名爲首者尙有何人  
如有確供卽迅速由六百里具奏以便飭拏究辦  
現令廣厚暫留衛輝所有該督生擒賊犯並著就  
近分解郡城交廣厚研審具奏若逆首李文成徐  
安綢一經擒獲驗明傷不甚重卽傳旨派廣厚長  
慶二人迅速押解來京以備廷訊再摺內稱奪獲  
賊匪大礮二尊鳥機礮三尊賊營中安得收有礮

位並著於獲犯內嚴究來歷據實覆奏該督等因  
前此進兵遲緩不卽加恩除打仗陣亡之把總楊  
秀廷著照千總例賜卹外委兵丁二名著咨部議  
卹外其餘出力將領兵丁統俟收復滑城擒獲首  
逆大功告竣時由該大臣等秉公保奏渥沛恩施

上又

硃批諭那彥成曰汝若能成大功朕若仍治汝罪朕

何以仰對

天

祖汝能知悔懼奮勉自當大施渥澤勉之

臣等謹按書曰用命賞于祖不用命戮于社  
自昔申明軍紀不外乎賞罰二端惟激勸本  
於無私斯威愛胥歸允濟前此那彥成駐軍  
衛輝停留不進

訓詞嚴切無少寬假

尺一下頒威于鈇鉞茲那彥成積畏懼之誠奮果敢  
之氣於是月十八二十一等日鼓勵將士轉  
戰而前連次奏捷

皇上鑒其悔懼真切旋卽釋其前愆責以後効伏讀  
殊諭開誠布公如揭日月而行那彥成踴躍奮興迅  
奏膚功獲邀

懋賞所謂

推赤心於復中

降殊恩於望外豈非八柄之用有以佐九伐之勲歟  
上又命軍機大臣傳諭托津曰前因那彥成在衛輝  
遷延旬日不肯進兵是以特派托津馳往督辦昨  
二十二日接到那彥成十九日所發之報據稱在  
道口附近攻撲賊寨斃賊一千餘名本日復接伊

二十一日所發之報據稱屯聚道口之賊于是日  
傾巢而出沿途焚掠官兵分頭截擊斃賊一千四  
百二十名生擒一百四十餘名逃出良民千餘人  
奪獲礮位器械甚多現在賊匪仍潰回道口滑縣  
等語那彥成接奉屢次嚴旨頗知畏懼日來已奮  
勉進兵尙有立功自贖之意現在連得勝仗計算  
道口之賊所剩無多剿淨後即可圍攻滑縣惟本

日據章煦奏稱長垣東明等處賊匪於十二十三  
十四焚掠各村寨之後十五十六十七等日復又  
四出焚掠圍困村寨殺死男婦多人其于家堂地  
方有賊匪千餘人帶有車馬由東南奔向西北並  
探知春亭集等處各股賊匪均歸南岳集聚爲一  
夥等語該一帶賊勢甚爲猖獗馬瑜帶兵往剿恐  
其油滑不能得力托津著先馳至馬瑜軍營認真

督辦富蘭蘇爾慎閔俊烈現俱在該處托津卽飭  
令速將該一帶賊匪剿除淨盡勿任四散奔竄如  
兵力不敷現在吉林兵一千名一二日內卽可到  
京其黑龍江官兵十一月初旬亦必續到朕派員  
犒賞次日卽令起行托津可一面派人迎催先令  
在開州一帶協剿再赴滑縣軍營

上又命軍機大臣傳諭馬瑜富蘭曰本日又據章煦



奏長垣縣南岳集九級集大寨三處賊匪併歸春  
亭集晝夜四出搶掠東明縣之夾河灘瞿家莊等  
處亦被春亭集匪徒焚搶賊匪現在南岳集黃家  
村盤踞並將附近之王家寨圍困等語馬瑜等前  
已帶領直隸官兵二千名於十九日起程繞赴開  
州蘇爾慎閭俊烈並由山東帶兵一千名前往協  
助現在該處賊匪如此猖獗該提督等卽探明賊

匪大股屯集之處迅速進兵自北向南痛加剿洗  
勿稍延緩

上又命軍機大臣傳諭百齡方受疇胡克家曰現在  
賊匪屯聚滑城其北面有托津督同馬瑜富蘭等  
帶兵在開州一帶向南攻剿西面有那彥成進兵  
剿殺東面有同興督同劉清等在東省邊界巡防  
均極嚴密卽日大兵圍攻滑城若能聚而殲旃固

屬甚善但恐賊衆被剿情急豕突狼奔則南面兵力較單不可不加意防範且前據方受疇奏盤獲賊探訊據賊供分遣多人潛赴開封省城及杞縣太康等處探聽消息欲乘間勾結南竄可見該匪徒非無南竄之意所有豫省開封歸德及江南徐州接壤之區著責成百齡方受疇會同籌畫派撥兵役無分畛域實力防堵安徽地方亦係百齡統

轄並著與胡克家設法巡防隨時偵探嚴兵備禦  
毋稍疎虞

上又命軍機大臣傳諭章煦日張四鬍子卽張添升  
一犯據該署督奏已拏獲解京其趙步雲劉玉澀  
二犯均與林清同教謀逆該督卽嚴飭委員等設  
法購線嚴拏務獲又楊月三卽楊遇山一犯林清  
及其甥董惻太僉供實有其人該犯徒黨甚多著

該署督仍飭知委員嚴密查拏毋任漏網至趙得  
一一犯據報病故並著嚴訊伊子務得真實下落  
本日又據訊出直隸清河縣劉玉山一犯於本日  
夏間曾至林清家約夥糾人其家在清河縣城東  
二十餘里著該署督卽遴派幹員前赴清河縣會  
同地方官嚴密躡緝就獲後迅速錄供具奏

十月二十五日

戊午董誥等奏言

臣等遵查

紫禁城內外及各城門各堆撥例設軍器並各旗  
營應用軍器核計該管大臣等陸續奏到之數  
請將缺短損壞應由官辦者由武備院庫貯及  
端門樓存貯項內先行撥給一面補造完欸如不  
敷撥給卽由武備院製造分給其應由各佐領  
下自備差操者請責成該管官自行趕緊製造  
謹查明細數彙總開單進

呈得

旨此項應行補換製造軍器俱著限於十日內補製  
齊全餘依議